


Akiuussutissaq



COVID-19 nappaataavoq napparsimassutigilersinnaasat coronavirusimik tunillatsissimaguit.

Kikkulluunniit eqqugaasinnaaput – arnat angutillu, inuusuttut utoqqaallu, inuiaassuseq upperisarlutit apeqqutaatinnagit. Inunnut allanut qanillinaveersaarnissamut eqqiluisaarnissamullu malit-tarisassat tamaasa sapinngisamik malikkaluarlugit aamma ajoralu-artumik eqqugaasinnaavutit.

Maannakkulli akiuussutissaate-qarpugut. Akiuussutissamillu kapisigaangatta aattortittut aamma napparsimalertut toqusulluunniit ikinnerulertarput.

Naak piffissap sivikitsup iluani coronavirusimut akiuussusiortoqaraluartoq, oqaluttuarisaanermi inuit amerlasuut akiuussutissat misilerarnerinut peqataasimapput. Peqqissutsimullu oqartussat nalilerpaat akiuussutissat uppernarsaatissaqarluarlutillu

isumannangitsupilussuusut. Taamaammatt peqqissutsimut oqartussaasut innersuussutigaaat sapinngisamik amerlanerpaat akiuussutissamik kapitissasut.

Akiuussutissamik kapitinnissaq pinngitsaaliissutaananilu akeqanngilaq. 16-ileereersimasut tamarmik kapitinnissaminut neqeroorfigineqassapput.

Peqqissutsimut oqartussat kapitittussanik tulleriarineq aalajangertarpaat. 65-ileereersimasut tamarmik allallu coronamik perullutik napparsimalersinnaasut siullinneqarput. Kingornatigut 16-it 64-illu akornanni ukiullit tamarmik.

Tullinguukkuit e-Boksinni nalunaarfigineqassaasut. E-boksimumut pisussaajunnaatitaasimaguit allakkatigut allagarsissaasut. Inuit ilai sulisitsisuminniit, najukkaminni kommunerisaminniit nakorsaminilluunniit kapitinnissaminut aamma neqeroorfigineqarsinnaapput.

Akiuussutissamik kapitinnissamut neqeroorfigineqaruit www.vacciner.dk-mut iseriarlutit nunap

immikkoortortaani centerimut kapitiffissamut piffissamik inniminniisnaavutit. Piffissanik ujaasinerni piffissamik inniminnigassaqaqanngippat ullup kingornani tullianiluunniit misissoqqissinnaavat.

Piffissanik ujaasinerni piffissamik inniminnigassaqaqanngippat ullup kingornani tullianiluunniit misissoqqissinnaavat. Nalornissuteqaruit nakorsat attavigiuk.

Naak akiuussutissamik kapitissimagaluarlutit inunnut allanut qanillinaveersaarnissamut eqqiluisaarnissamullu Sundhedsstyrelsen siunnersuutai malissavatit. Akiuussutissamik kapitissimagaluarlutit allanik aattuisinnaavutit, assersuutigalugu atortut kikkunik tamanik attorneqarsinnaasut attorneratigut.

Coronavirus, COVID-19 akiuussutissallu pillugit internettikkut eqqunngitsorpasuarunik paasisutissaqarnera eqqumaffigiuk. Paasisutissanik pitsaasunik tutsuiginartunillu pissarserusukkait Sundhedsstyrelsen nittartagaani www.sst.dk-mi paasisaqarnerusinnaavutit. Aammattaaq oqartussat ataatsimut corona pillugu oqarasuaatikkut saaffiginnittarfiat uunga normumut sianerfigissinnaavat: 7020 0233.